

題尋芳藁

余在長安時雲間董太史每
口攜李有周山人梅墟余未識
其面今年被放謁鹿門先生復
稱山人出所謂尋芳稿視余
卒業匪特窺山人底裏且有以



峴山人非凡流江南二月萬卉
齊芳夭喬葱菁灼々芊々隸首
莫笑蕪之騷人冶客墨士冶姝
山人其一品藻之形賦之寫情
摹景宛存篇什庫詰謂詩中有
畫其信然乎唐人詩稱竅而詠
物稍遜六朝尋芳果易々也山
人且步武六朝矣余苔山水清
遠昔有沈柳渚名家長水有烟
雨兩湖之勝山人不虛生名不
虛得也

長興襟江朱鳳翔書於

蓮華莊

己丑
謹志

尋芳咏目錄

上卷

元旦

立春

東郊散步

元夕五首

席上贈歌妓四首

宵宴

夜燕惜別

宴歸

元夕寄城中諸友

美人曉妝二首

江南春詞和倪雲林韻

宮人鬪草

聽鶯

春宴二首

春日過陳龍川齋頭

翫雪二首

江村野酌六韻

新春訪李培之不遇

春遊調錦纏道

春日東郊翫賞調臨

江仙

下卷

草堂烟雨

少年行四首

觀妓上竿

艷姝步線

吳姬走馬

酒肆啣杯

春園家宴二首

挾彈

村居野集

花朝醉客

春日野酌

杜鵑

柳陌鶯聲

鳥醒午夢

春柳

楊花

山家春日

新晴

雪霽同友春郊閒賞

田家款酌

春日寄友

讌吳伯度宅

村家小集

春日過東臯殷君齋頭出示舷上人所贈

索和倚韻五絕

訪沈涵所

新春寄西城李培之

春日雪霽訪殷東臯醫隱二首

暮春

送春

山中春盡

雪夕宴王明府宅詠

燈雪爭輝二首

尋芳咏卷之上

嘉禾周履靖著
同郡賀萬祚校

元旦

茅屋逢元旦
蕭然野老身
空庭餘臘雪
弱柳裊晴春
咲把屠蘇盞
時彈漉酒巾
朋儕倘相顧
更話一番新

立春

逢春欣雪霽
草木始精神
隴上梅初放
堤邊柳

詞九
欲顰莫辭尊酒醉應惜歲時新易改雙鬢鬢潛
然泪灑巾

東郊散步

尋芳何惜路途賒遙望前村是酒家駘蕩輕風
搖岸柳融和麗日映晴沙黃鶯兩兩啼春樹粉
蝶雙雙舞砌花且貰香醪醉三斗還勝採藥煉
丹砂

元夕五首

雪晴春色曉綵閣起江城市巷笙簧集街衢火

樹明賢侯同慶賞士女共遊行年豐從此祝萬
井樂昇平

其二

翠管盈人耳花燈滿市廛畫橋車馬簇城郭士
民填絳蠟燒良夜嘉賓集綺筵興狂忘玉漏暢
飲樂堯天

其三

瑤樓高百尺燦爛動人歡月滿金樽泛燈輝玉
漏殘座中歌雅調醉後倚欄干簫鼓喧城市渾

忘此夕寒

其四

春雨收江郭輕烟散草堂簫聲和夜曲燈影混
蟾光繡陌聯香袂朱樓闔艷妝歡娛忘夕寐不
覺漏聲長

其五

車騎填官巷燈光燭太虛清尊浮月下羌笛弄
更餘稚子喧華屋佳人倚故閭我儕亦追賞命
酒煮江魚

席上贈歌妓四首

歌出新聲圓似珠調清韻雅世應無筵前賓客
擎金盞堂下歌童倒玉壺子美時逢堪解佩相
如遇處肯當壚生臨勝賞還須醉莫把韶光九
十辜

其二

綺席高張白玉堂吳姬嫋娜步迴廊翩躚舞袖
雲中鳳婉轉歌聲月下簧銀燭輝煌侵綠鬢香
風淡蕩動霓裳歡娛未盡嘉賓興不覺明蟾過

短牆

其三

窈窕仙姝宮樣妝輕移羅襪出蘭房柳拖眉黛
芳春色風動榴裙滿座香綠酒千杯情更洽清
歌一曲思偏長莫憐玉漏聲聲促還待東窓耀
太陽

其四

清聲麗曲啓丹唇笑臉盈盈更可人細舞羅裙
流素影謾敲檀板落輕塵金罍醉盡瑤臺月銀

燭搖殘玉洞春勝賞百年能幾許慇懃相勸莫
辭頻

宵宴

清宵佳客宴銀燈吐夜光猩唇陳綺席琥珀泛
霞觴寒漏催歸騎清歌繞畫榭呼盧歡未輟山
月過迴廊

夜燕惜別

一曲新歌有盡頭離音頻勸使人愁秦箏彈絕
朱絃息玉燭燒殘紅淚流夜永如年歡未畢情

長若水醉難休雞聲三唱方堪別門外蕭蕭風
雨稠

宴歸

春宴追歡散溪邊步月迴張燈光燦爛別妓思
徘徊夜靜羅衣冷更殘駉駉催歸來情未倦剪
燭舉殘杯

元夕寄城中諸友

綠羅紅綺障星樓幾處笙簧滿秀州逸客開尊
華宴賞王孫策騎錦城遊銀河斗轉心猶暢玉

漏聲殘興未休元夕新詩題素楮高情還向阮
嵇拔

美人曉粧二首

共客酣杯興不窮朝來帳底睡朦朧曉妝猶帶
猖狂態張厭還嫌畫未工

其二

融融春日上簾櫳欲向東窓怯曉風笑語侍兒
權作鏡斜簪一朵海棠紅

江南春詞和倪雲林韻

春林夜雨朝送笋桃李芳菲門徑靜
主人寂寂對朱欄簾外交飛雙燕影
峭寒風雨
羅衣冷幾樹梨花開近并社酒歸來倒角巾歌
斜醉步動輕塵 蝶飛忙花信急杜鵑聲裏春
衫濕韶光撚指嗟何及倚樓芳草連天碧幾處
笙歌滿城邑垂楊繫馬風前立請看綠水泛青
萍堪笑隨波空自營

其二

村前萬樹桃花盛綠柳垂絲間紅杏呼朋拉友
翫芳春歷遍韶華三月景雕鞍金勒相馳騁青
樓柳巷追佳興吳姬嫋嫋咲歡迎握手慙慙話
更親 入蘭房檀麝集銀燈翠管延嘉客冰盤
玉饌陳芳席金樽漱灑浮琥珀玉指纖纖調錦
瑟牙牀繡帳娛此夕牕雞三唱促登程惆悵相
看不盡情

宮人鬪草

上苑春方媚相携步沼邊緩尋汚玉指巧鬪落
花鈿雜沓穿亭後喧闐徹御前未分誰勝負忽
報內宮宣

聽鶯

那羨塵中問姓名且從木石寄餘生墟中梅樹
逢春放鑑內茶芽掃雪烹閒撫焦桐消白晝戲
調孤鶴適玄情莓苔一徑無痕跡靜倚松窓聽
早鶯

春宴二首

綺筵集嘉賓高談多逸思簾外鳥聲清座中人
未醉吳姬舞袖長歌喉嬌且利莫謂老叟衰寧
然有俠氣

其二

着屐傲靈運流觴羨右軍隄邊楊柳綠江上野
梅芬花氣侵衣袂歌聲雜鳥羣莫辜春日興酪
酏臥斜曛

春日過陳龍川齋頭翫雪二首

如銀白雪未全消賞景王猷一見招綺席通宵
燒蠟炬高情對客醉春瓢人生競說浮萍寄世
事方知飛絮飄項羽石崇渾是幻何妨蹤跡混
漁樵

其二

故人知我敝袍寒樽酒相板盡所歡坐擁紅爐
燃楚竹旋烹紫蔗供水盤杜公解佩時尋柳陶
令貪杯早棄官暢飲高歌忘去住呼盧不覺五
更殘

江村野酌六韻

步步躡江濱晴春氣象新高歌鶯作友展席草
爲茵岸柳搖金縷山花映角巾巨觥盈綠醕翠
釜煮鮮鱗醉去忘人我在來掃俗塵欲知吾姓

氏方外一閒人

新春訪李培之不遇

人日扶藜訪友生雪消天霽四山明柳條奈冷
含青眼梅樹衝寒吐素英薜徑環迴看有迹柴
門深閉聽無聲還疑郊外遊芳草惆悵難逢阮
步兵

春遊調錦纏道

浪蝶狂蜂來往紛忙春晝萬紫千紅如錦繡絳
桃黃鳥堪爲友滿目韶華翫賞休教負 拉吳

尋芳吟上
姬柳邊花下傾酒芳辰共酌應難偶忽聽墻內
歌聲戲踏梅枝偷覷喜佳人舞袖

春日東郊翫賞調臨江仙

燕語鶯聲勸酒紅桃翠柳迎春夜酌還須達曉
晨當圖一大醉莫負賞花情 撫掌高歌一曲
韶華麗色撩人遙天皎月淨無塵共佳賓縱飲
酩酊倒芳茵

尋芳吟卷之上 終

尋芳咏卷之下

嘉禾周履靖著

草堂烟雨

烟霧鎖青巒茅茨濕未乾
窓虛雲氣潤林靜曉風寒
似值瀟湘夜如迴洛浦瀾
鷓鴣啼未徹徙倚碧欄干

少年行四首

白面郎君鞞玉驄羅衣拂袖惹春風
揚鞭直上新豐市吸盡千杯倒肆中

其二

原是高陽舊酒徒狂歌花下謾呼盧醉來不識
天和地倒躍青驄那用扶

其三

天桃艷杏鬪芳春綠酒盈樽寂可人倒盡甕頭
天欲瞑家無擔石未言貧

其四

年少輕狂膽氣豪高歌一曲手持螯興來罄倒
赤頭醜白眼時人若燎毛

觀妓上竿

獨木峙中央巍巍逼上蒼如猿攀古榦似燕集
危檣嘯舞銀河曲狂歌月殿傍令人驚絕險遊
子意徬徨

艷姝步線

簀管百尺聳五色綵絨橫羅襪空中度弓鞋線
上行如星流更疾比燕掠還輕走罷瑤階立芳
姿價十城

吳姬走馬

騾衰追風驥吳姬似燕輕驅馳神箭急蹠蹠市
人驚鉛粉沾蹄汗衣香襲絡纓紅塵飛數里雷
電半空轟

酒肆啣杯

市橋夾岸柳條垂酒熟葡萄琥珀姿素腕湯傾
蒼玉甕朱唇飛映紫金卮酒花日色侵紅袖薪
桂烟光靄綠眉慚愧才女寄寫鳳
皇詞

春園家宴二首

梅花開遍故園枝老婦相携稚子隨柳外徐行
人未見竹間不語鳥先知苔錢新長烟凝砌春
雪初消水滿池元亮醉來歌白雪兒童爭咲老
翁癡

其二

茅堂野席賞春期宿酒新筍煮綠葵稚子花前
歌白苧山妻座上勸清卮鶯啼幽谷芳辰候柳
綻平堤淑景時應惜百年終有限須當暢飲莫
教遲

挾彈

雕鞍駿騎踏青莎手挾金丸柳陌過莫逐流鶯
盡飛去江南春樹苦無多

村居野集

新草畱殘雪寒梅滿樹花漫遊郊外路來扣野
人家村店沽醺醪山厨芼韭芽興狂何惜醉還
待月輪斜

花朝醉客

雙雙紫燕掠楊條點點紅葩向客嬌東陌風晴

蝶翅舞西郊日暖鳥音調花間共餉春蔬饌石
上同酣醺醪瓢酪酏欲眠芳草地呼童扶客過
溪橋

春日野酌

偶訂林間三四友杖頭止掛百文錢鶯聲睨睨
情堪戀花色妖嬈興可憐村店每沽經歲酒春
郊時醉艷陽天不須細較榮身策應惜人生少
百年

杜鵑

一枝借宿吳山樹興逐流鶯谷外飛三月繞林
春欲暮五更啼夢淚沾衣戲栖危石看明月間
踏喬松怨落暉無限韶光明媚景聲聲猶恨不
如歸

柳陌鶯聲

春到園林日日晴陌頭柳底轉新聲風前宛轉
遊人愜窓外間關睡客驚頻倚碧欄聽不盡幾
回青瑣夢難成知音莫謂非鸞鳳清調堪和子
晉笙

鳥醒午夢

春來漸覺俗情賒問柳尋花不記家宿釀千杯
情更暢新詩幾句趣還嘉閒來扶杖神猶壯老
去臨書眼未花啼鳥數聲醒午夢呼童湯煮雨
前茶

春柳

鳴春黃鳥踏柔條片片飛花似雪飄繫馬日嘶
芳草地含烟時暝碧溪橋紛紛膏雨青枝潤拂
拂和風翠縷搖幾度送君登遠道含愁洒泪折

長標

楊花

小院春深日正長
飛飛柳絮撲方牀
烟迷曲岸垂青線
雪散遙空滿碧塘
燕掠紛紛池上舞
魚吹片片水中揚
兒童拊掌風前捉
相逐歡奔過短墻

山家春日

晴日暖芳春
扶筇野眺頻
遊絲隨蝶舞
垂柳隔溪新
水暖魚吹沫
風和鳥近人
誰憐渡落者
雲

水自相親

新晴

一番時雨遍郊原
幾樹疎梅長嫩根
春草茫茫萋野岸
碧蘿裊裊暗柴門
溪邊楊柳搖金縷
坂上桑條潤綠痕
靜坐晴窓人寂寞
湯扶藤杖過西村

雪霽同友春郊閒賞

雪霽千山淨
春郊麗日暄
林鶯啼古木
酒旆颺前村
共客趺芳草
呼童倒綠樽
莫愁天欲暝
明

月照黃昏

田家款酌

乘閒移小艇村徑訪幽栖巖花當僻磴楊柳暗
長堤川光搖葦戶霞彩映澄溪山犬籬邊吠林
鶯樹裏啼豈辭崎路杳不厭草簷低雞黍爲農
饌香醪貫巷西情濃欣促膝醉去賦新題田舍
多真樂何須羨馬蹄

春日寄友

藝梅園草閣翫賞欲忘年花發如春雪香濃散

曉烟鳥歌娛酒興霜髻枕書眠忽憶故人別新
詩久不傳

讌吳伯度宅

風光春日麗花色曉林暉尊酒同賓泛梅稍帶
雪菲應知歡宴少須信醉吟稀且盡今宵興醅
醕帶月歸

村家小集

楊隄屈曲隨溪轉茅屋荆扉傍竹開野老摘蔬
烹土釜山人曳屐踐莓苔春風拂拂吹襟袂林

鳥聲聲勸酒杯暢飲莫教村醞竭通宵不啻漏
相催

春日過東臯殷君齋頭出示舩上人所贈索
和倚韻五絕

西澣曾聞隱接輿朝來得叩白雲居窓明室靜
清如許几上風翻種樹書

其二

蕭然仲蔚思徜徉門外蒿萊五尺長日對山窓
吟杜甫靜觀塵世幾紛忙

其三

黃茅爲覆椹爲籬甕牖繩樞足可怡不羨五侯
華屋麗何如巖叟釣江湄

其四

逃名不用買山居烟雨湖頭可結廬月暎碧波
鷗鷺集菰蒲深處釣潛魚

其五

踏春時拄杖頭錢入醉酣眠柳絮天一曲高歌
山月朗風流應擬竹林賢

訪沈涵所

春晴樹樹轉黃鶯得興扶筇入禁城
盆蕙迎春舒玉蕊庭梅帶雪發瓊英
清狂公瑾吟詩句豪逸佺期煮茗鑿
促膝情濃忘日暮何堪分袂出柴荆

新春寄西城李培之

東風吹雨浥林柯徑草江梅春思多
湖上雪消添水色枝頭花發助鶯歌
悠悠遠漢雲常住寂寂閒門客未過
爲問西城李太白春來詩思却如何

如何

春日雪霽訪殷東臯醫隱二首

紛紛瑞雪滿瑤臺自是袁安戶不開
閒策青藜穿曲徑還看白玉綴孤梅
遙天霽色明江郭大地風聲動草萊
得興尋芳過秀水問津爲訪故人來

其二

昔聞康伯隱湖濱蘆葦鷗羣結比隣
採藥峯前雲滿袖調丹星下露沾巾
曾施針法醫龍目每

和詩章動世人公瑾登臨逢邂逅慙懃把酒細
評論

暮春

穿雲涉徑出江城花盡枝頭鳥尚鳴牧子騎牛
吹晚笛山農荷笠促春耕尋詩醉酒時光迅看
水携筇鷗鷺迎昨夜一番膏雨過竹林喜見笋
芽生

送春

春逐東風去飛花泛海溟柳濃聊可駐鶯老不
堪聞遊子愁無限王孫惜落英殘紅堆石徑新
綠暗槐庭桑柘連村碧麥苗遍野青牧子驅犢
犢漁人泛釣舫強將餘酒送愁對木香亭

山中春盡

烟迷野樹綠陰多春去園林鳥尚歌靜數落花
凭曲檻莫將美景謾蹉跎

雪夕宴王明府宅詠燈雪爭輝二首

王戎此夕宴山公綺席羅珍世不同雪遍萬方
成玉宇燈輝一室恍蟾宮清光掩暎如銀白麗

色熒煌似錦紅滿座笙簧頻勸酒高歌縱飲與
何窮

其二

清醪滿泛欸黃公浮白酣歌與晉同竹葉香浮
琥珀斝珠燈光逼水晶宮情高那管頭顱白思
逸何妨曉日紅一任窓雞頻唱月我儕潦倒興
難窮

尋芳咏卷之下

終

叙和梅花詩四言二十韻

甲午汎舟吳淞訪太冲袁君旣而登書樓得
觀馮海粟梅花百詠倚題和之

海粟馮君詠梅百絕髫年以聞仰之殷切索求
先輩無由得閱甲午汎舟小春令節華亭訪鶴
邂逅俊傑袁安慷慨情投意協邀登虛閣羣編
陳設竹鑪煮茶石鼎香爇促膝方牀玄譚不輟
契如膠漆弗忍云別披涉琅函雲章滿篋檢諸
玉冊梅譜在列調古詞新相符欣悅沛然江河

潛潛不竭錦詞繡句圓珠玉屑假而登舟復歸
巖穴靜究苦思慮滌心縈詞理未工敲推赤舌
追和百韻幽懷頃雪剗刷梓木未存西浙



國家圖書館, NATIONAL CENTRAL LIBRARY, TAIWAN, R.O.C.